

mus Vir D. Lollius, quæso ut cum meis verbis amanter salvere jubeas. Dedi nuper exemplum Confessionis Tetrapolitanae, (e) id est, Confessionis Argentin. Lindaviens. Constantiens. Memmingensium, D. Hottomanno. Id Genevam deportatum credo. Si usui esse desierit, velim te illud cum tuis libris huc advehere. Si modo, ut speramus, ad nos, exoptatissimus hospes redieris. Habeo hospitem Mollerum (f) Patricium Hamburgens. , filium Consulis Eberhardi, Is tui memoriam mirifice refricavit. Bene vale Basileæ 15. Julii 1581.

*Vere tui & familiae Juleæ  
amans J. GRYNÆUS.*

## EPISTOLA VII.

**S** En mittimus tibi, Ornatiss. & amicissime S. D. Compater Libros, quos volebas, maxima

(e) cui adfuerant Theologi Argentoratenses *Capito, Hedio, & Bucerus*, quæ confessio quatuor Civitatum Neostadii 1580. exc. vide *V. L. a Seckendorff historia Lutheranismi L. II. Sect. 34. §. 75. & M. Gottl. Wernsdorff disputatio de confessione Tetrapolitana Wittenb. 1694.*

(f) *Vincentium filium Eberhardi Molleri Consulis Hamburgensis, confer Epist. Grynæi a Sculteto editas Lib. I, Ep. 40. p. 311.*